

رجل المستحيل | " هذا تاريخنا و هذا تاريخهم " | #محاضرة |

د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببذك الخير كله اليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد اخواني واحبابي في - 00:00:01

آآ عذرا بس احنا جايين من السفر على طول يعني فيعني اتأخرت عليكم سنة كده. آآ يعني نسأل الله سبحانه وتعالى ان يستعملنا ولا يستبدل بنا ابدا وحشتوني يا اخواني في الله والله. ربنا يستعملنا لنصرة الدين وفي الارض. اسأل الله سبحانه وتعالى ان يخرج منكم من ينصر دينه في الارض ومن ينصر دين - 00:00:24

انه في الارض اعظم دين واعظم تاريخ. اعظم تاريخ على وجه الارض. انتم عارفين مشكلتنا. المشكلة اللي بينا وبين الغرب ايه يا جماعة؟ المشكلة اللي بيننا وبين الغرب اللي خلى تسفحني - 00:00:44

نيوزلندا يقتل بالطريقة المتوحشة الاجرامية الحقيرة دي. اللي خلت بوغاز الهولوكوست بتاع بوغاز يقتله تلت تلاف واحد وطفل وامراة بالطريقة الحقيرة دي في سوريا اللي خلت آآ يعني القنابل الكيميائية تترمي آآ من بشار على اهل سوريا - 00:00:54 وما حدش يتكلم اللي انتم عارفين المشكلة بينا وبين الغرب ايه في كلمة واحدة المشكلة اللي بينا وبين الغرب ان هم عارفين تاريخك وانت ما مش عارف تاريخك. فهو عارف انت قد ايه خطير. عارف انت قد ايه لما بتقوم الدنيا كلها بتتغير. والسنة بتتغير لك - 00:01:14

تاريخ الارض بيتغير وبيتحول وجغرافيا الارض بتتغير. هو عارف انت مين انت مشكلتك انت اللي مش عارف انت مين. انت اللي اتعمل لك تنويم مغناطيسي لحد ما نسيت انت مين ؟ ولحد ما نسيت التاريخ بتاعك. من يوم ما دام له يعني جه وغير مناهج التعليم المصرية وعمل - 00:01:34

مناهج ما تقدرش تعرف فيها التاريخ الاسلامي بتاعك ولا الشخصيات العظيمة ولا القادة ولا الانتصارات الرهيبة ممكن تعرف اي حاجة وتشوف تعظيم اي حاجة الا التاريخ بتاعك ليه ؟ لانك انت لو عرفت التاريخ بتاعك انت هتبقي صاحب رسالة واطعتني قضية وهتفهم تضحي ليه - 00:01:54

وهتفهم ايه الرسالة اللي انت تعيش عشانها. ان نعرف تاريخنا. مهمة خطيرة جدا. ومن الحاجات اللي فيها امل. من وسط الالام اللي في الواقع ان الالام اللي بتحصل لنا بتخلينا نرجع نقرا في التاريخ بتاعنا فنصدم. احنا عندنا التاريخ العظيم ده. ده التاريخ بتاعنا هذا تاريخنا - 00:02:14

وهذا تاريخهم رجل المستحيل. النهادة انا عايز اتناول يعني التاريخ بتاعنا من زاوية من الزوايا. من زاوية رجل المستحيل. رجل المستحيل من زاوية القادة العظماء اللي حولوا مجرى التاريخ وما اكثرهم عددهم لا يحصى سواء في جيل الصحابة او بعد جيل الصحابة - 00:02:34

او الدولة السلجوقية او المملوكية او او المغول لما اسلموا والتتار لما اسلموا او الدولة العثمانية او الدولة اليبوبية او الدولة الاموية الاموية يا اخوانا يعني مشكلتنا ان احنا مش قادرين نستجلي التاريخ بتاعنا في عهد ابو بكر وعمر الامبراطورية الفارسية انهارت

تحت اقدام الصحابة - 00:02:54

والامبراطورية الرومانية انهارت وعاصمة الرومان في الكرة الارضية اتغيرت من انطاكيا الى القسطنطينية. في عهد الدولة الاموية كان حجم الاسلام شرقا غرب الصين. الصين دفعت الجزية الامويين. الصين ملك الصين دفع الجزية الامويين - 00:03:19 تركستان الشرقية اللي هي اكبر هلوكوست في التاريخ الوقيتي. اللي حاسبين مليون واحد منها في السجون والمعتقلات. لحد ما يغيروا عقيدتهم. يعني يعني حرب جبارة على العقيدة الاسلامية في تركستان الشرقية. وتغيير ديموغرافي وتهجير تركستان الشرقية دي مفتوحة ايام الامويين. على ايد قتيبة ابن مسلم - 00:03:39

رحمه الله. تخيل انت كده غرب الصين ده كان حدودنا الشرقية. جنوب فرنسا حدودنا الغربية. وشمالا نوصل وانزل لحد المحيط في الجنوب ده في عهد الدولة الاموية يعني يعني بعد كده جه الدول الثانية في عهد المغول روسيا دفعت لنا - 00:03:59 روسيا كانت تدفع الجزية للمغول. المغول انشأوا مملكة اسلامية بعد ما اسلموا. مملكة في افغانستان والهند وباكستان الاتحاد السوفيتي وقصر بيجان والشيشان وروسيا انت متخيل احنا وصلنا لايه؟ هو فاهم انت وصلت لايه؟ الدولة العظمى - 00:04:19 اول دولة تنشر الاسلام في اوروبا. البوسنة والهرسك اسلموا. والباييا بقت دولة مسلمة. ومملكة المجر انهارت. والمملكة بقت ولاية ايه؟ المجر. بقت ولاية اسلامية وفيينا عاصمة النمسا اتحاصرت ثلاث مرات. ومنها مرة اتفتحت انت يعني يعني كان ملاحم يا اخواني في الله - 00:04:39

عبر التاريخ وعبر كل دولة من الدول الاسلامية الدولة السلوجية قلب ارسيلان يعني هد ووجود البيزنطي في اسيا الوسطى القصة اللي هي اللي هي اللي هي تركيا. هدي الوجود البيزنطي فيها. كل الدولة الدولة المملوكية قضت على اعظم - 00:04:59 عدوين للامة. المماليك اللي اتاخدوا وهم اطفال كده واتربوا. عشان تعرف يعني ايه تربية اطفال. ويعني ايه الاهتمام بتربية الاطفال. قضا اعظم يعني او اخطر عدوين على الاسلام قضا على التتار وقضا على الصليبيين الحملة الصليبية السبعة كانت في المنصورة هنا. المنصورة هنا كانت نهاية الصليب - 00:05:19

في الامة. المنصورة هنا كانت نهاية الحملات الصليبية وتحطم الحملات الصليبية. لان الصليبيين بعد ما حصل في عين جالوت وقطر قضى على مطار وبعد اللي حصل آآ من وان صلاح الدين انطلق من مصر. فاوروبا كلها اجمعت ان مصر هي كلمة السر. ان عمرك ما - 00:05:39

تقدر تقضي على الاسلام الا لو قضيت على مصر. فكانت فكرة الحملة الصليبية السابعة بقيادة ملك فرنسا ان مصر هي اللي لازم تتدرب في الاول. عشان كده نابليون جه بعد كده بدأ بمصر عشان كده الانجليز احتلوا مصر لانه اكتشف ان مصر هي المشكلة كلها. وان ام القرى الوقيتي في الامة الاسلامية - 00:05:59

تحيا مصر فجه جم قال لك دخلوا من عند دمياط ووصلوا لحد المنصورة وكانت نهايتهم هنا في المنصورة وكان القضاء عليهم ولم تعد الحملة الصليبية للامة بعد هذه الحملة التي انتهت هنا في هذه البلد العظيمة التي اسأل الله ان يخرج منها من ينصر الاسلام في الارض - 00:06:19

اه اه هو فاهم انت مين. وفاهم ايه تاريخك. وفاهم انت عملت ايه قبل كده. وفاهم انك انت اسبانيا والبرتغال وجنوب فرنسا كتولات اسلامية وجنوب ايطاليا والبندقية وبودابست وفيينا والبوسنة والهرسك والسرب والمجر - 00:06:39 وجمهوريات الاتحاد السوفيتي كلها كل دي كانت ولايات اسلامية. وبقي منها طبعاً كثير جدا. ولايات اسلامية في الامة. هذه الامة العظيمة ان اعظم تاريخ على وجه الارض. احنا اكثر امة انتصرت في تاريخ البشرية كلها. احنا اكثر امة صاحبة اخلاق ومبادئ في - 00:06:59

تاريخ البشرية كلها واحنا في معركة اليرموك وخالد ابن الوليد وابو عبيدة ابن الجراح وعمرو ابن العاص وشرحبل ابن حسنى طالعين يقاتلوا الروم في معركة المؤرخين الغرب نفسهم قالوا ان هذه المعركة غيرت جغرافيا الكرة الارضية. وانها من اخطر معارك التاريخ البشري كله - 00:07:19

وقالوا لو لم ينتصر المسلمين على الروم لكان خريطة المنطقة كلها للابد متغيرة. في معركة زي دي والمسلمين رايعين يحاربوا الروم مش قادرين ان هم بقى الشام وفلسطين وشمال الجزيرة العربية. بلاد صالحوها وبيأخدوا منها جزية. رجعوا الجزية للبلاد دي. خالد بن الوليد بامر عمر بن الخطاب - [00:07:39](#)

رجع الجيزة للبلاد دي ليه مش قادر ان انا احميكم؟ مش قادر عمر ابن الخطاب وهو باعت سعد بن ابي وقاص لفتح بلاد العراق والقضاء على دولة الزالمة امروا ان ما فيش حد من الجيش يدخل في القرى بتاعة الصلح. القرى بتاعة بلاد الصلح. ليه؟ جيش رجالة - [00:07:59](#)

يعني زوجاتهم سايبينهم في بلادهم محتاجين فلوس الجيوش لما بتدخل البلاد بتفسدها. في حين ان رستم ملك الفرس لما جنوده دخلوا القرى اللي تبعه اغتصبوا النساء وسرقوا الاموال ونهبوا الكنوز. فاحنا انتصرنا اخلاق قيم قبل - [00:08:19](#)
قبل ما نتصل عسكريا. احنا كانت الاخلاق بتاعتنا بتبهر العالم كله. احنا اعظم امة عندها اخلاق وعندها مبادئ. وعندها تسامح. اعظم امة انتصرت عسكريا وحافظت على انتصاراتها دهيته. اعظم امة يعني حققت معادلات مستحيلة في التاريخ بتاعها. اعظم زي ما ربنا سبحانه وتعالى بيقول - [00:08:39](#)

انتم خير امة اخرجت للناس. طبعاً اللي مش عارف التاريخ الاسلامي. يعني ايه خير امة؟ والعلمانيين يقعدوا يتريقوا بقى! يا سلام! خير امة بايه بقى! قولوا لي بقى وما بين اخلاق المسلمين الوقتي واخلاق اوروبا وامريكا. حبيب قلبي انت جاي تقارن في عصر النكسة في الميت سنة بتوع النكسة في الامة. تعال الف وتلتمة سنة بقى وانت تفهم يعني ايه كنت - [00:08:59](#)
وتشوف ازاى ان احنا اكثر امة خرجت رموز وقادة وحكام عظماء اختزلوا التاريخ بتاعنا في ان هارون الرشيد كان بيسهر مع الستات والخمرة وان سليمان القانوني بتاع حريم السلطان وان آآ الحجاج ابن يوسف الثقفي اللي ضرب الكعبة. وان آآ الدولة العباسية - [00:09:19](#)

لاول خليفة فيها السفاح اللي قتل وسفك بقى عندك التاريخ ده مشوش مشوه تزوير التاريخ دي اكبر ضربة في ضربوا بها شباب الامة دي. لان بقى ما فيش معنى. اضحي ليه؟ انا مش حاسس بالاصول. ولا حاسس بالجذور. ولا حاسس بالمعنى - [00:09:39](#)
قرب التاريخ كان هو اكبر حاجة ضربه بها يعني هذه الامة آآ يعني كنت النهاردة في خطبة الجمعة يعني يمكن لو سمعناها برضه هتلاقوها ان شاء الله فيها معلومات مهمة جدا آآ اللي هي آآ ما السر؟ او من الذي يقف وراء سفاح نيوزلندا؟ يعني مين الارهاب الكبير؟ مين مين - [00:09:59](#)

المجرم الكبير هل المجرم الكبير اللي قتل المسلمين في مسجد النور؟ ولا المجرم الكبير اللي توه المسلمين عن التاريخ بتاعهم؟ وشوه التاريخ النبي اصلا ويعني من اين تقع جذور المشكلة التي تقع فيها؟ كنت بتكلم على كرومر لما بريطانيا احتلت مصر وحاولت - [00:10:19](#)

مسيطر عليها اللورد كرومر مش عارف يسيطر على مصر. سافر لندن قال لهم انا عايز نصرة. انا عايز اعوان يساعدوني في السيطرة على مصر. فهم فاكرين انه جاي يطلب عسكريين قال لهم لا. انا عايز مستشار في التعليم. انا عايز خبير من خبراء التعليم. ادوا له دانلوب دانلوب جه حط المناهج زبي في التاريخ - [00:10:39](#)

احيي النعرات الفنيقية والاشورية والفرعونية عظم اي حاجة الا قضاها الاسلاميين والحكام الاسلاميين تزييف التاريخ كان اكبر ضربة في مقتل ضربوا بها شباب الامة وضربوا بها وعي الامة وضربوا بها احساس الامة بالعزة وبالرسالة وبالامل. فبعد كده لما يحصل لك اي - [00:10:59](#)

حاجة انت ما انتاش عارف انت كنت ايه. فيقوم يجي لك احباط وتحس ان خلاص ما فيش اي فايده. زي ما قال كده واحد عالم مصري كبير زي دكتور فاروق الباز. يعني - [00:11:19](#)

قال لك انا تخرجت من التعليم وانا اعرف كل شيه عن كبار روكي في امريكا. ولا اعلم شيه عن مناجم ابو طرطور في مصر. انا مش عارف حاجة عن كنوز بلدي. انما - [00:11:29](#)

انت عارف كنوز الغرب فيها ايه؟ فالنتيجة يلا هاجر. يلا هاجر وادوا عمرك وفكرك وكل حاجة للغرب ليه؟ لان هو ده التاريخ وهو ده السورة الفرنسية والمفكرين والتنوير والرموز والانتصارات مش عارف حاجة اصلا عن نفسك. انت لا تدري اي شيء - [00:11:39](#) تاريخك وهي دي الازمة يا اخواني في الله. يعني من ضمن الازمات الجبارة ان فيه مادتين ضربوهم عند الامة. العقيدة والتاريخ. اي حد شغال في الدعوة الوقتي محتاج انه يجاهد بانه يتكلم في التاريخ ويتكلم في العقيدة. لان دول المادتين اللي بيحيوا الاحساس بالرسالة مرة ثانية والحصانة والمناعة - [00:11:59](#)

عند شباب الامة وعند افراد الامة مرة ثانية محتاجين نتكلم في تاريخنا شوية. النهاردة عايز اتكلم عن رجل المستحيل. يعني انا الراجل المستحيل ده في التاريخ بتاعنا يعني ما هواش شخصية واحدة. ده انت عندك كمية رموز النهاردة في الخطبة كنت بتكلم عن المعارك. اللي غيرك - [00:12:19](#)

اتوجه التاريخ او بعضها. لان لسة ان شاء الله بازن الله الايام الجاية فيه سلسلة عن معركة معركة بقى. كل معركة كده عشر دقائق كده نتكلم عن اعظم تاريخ على وجه - [00:12:39](#)

ارض نحس احنا كنا ايه وانتصرنا قد ايه وربنا لما رفعنا شعر الله اكبر اباد اعداءنا قد ايه ونسف اعداءنا قد ايه زيت باب التتار في عين جالوت. ازاي اجباد البيزنطيين في معارك كثير. ملاذ كارد ولا مريو. كيفالون ولا - [00:12:49](#)

كثير جدا ازاي تبان التحالف الاوروبي كله في موهاجس ازاي؟ اتباد ازاي كان يعني يعني ازاي كان لما بنلجأ الى الله ربنا مش بينصرنا. ربنا ببسحق اعدائنا بان نرتكن الى الله سبحانه وتعالى ونعتمد على الله. عايزين نتكلم عن بعض الشخصيات كده يا اخواني في الله. طبعاً الواحد - [00:13:09](#)

دلوقتي يتكلم عن مين؟ مين من الشخصيات اللي يتكلم عنها؟ ومين من الشخصيات اللي يبدأ عنها؟ عايز اتكلم عن ابو عبيد الثقفي ده يعني ده اول بطل آآ بدأ شرارة البدء كده في فتوحات الفرس والروم اصلا وان كان كثيرين لا يعرفوه. عايز اتكلم عن خالد ابن الوليد طبعاً يعني غصب عنك - [00:13:29](#)

لما تيجي تقرأ معركة اليرموك تحس باحساس جبار. معركة اليرموك دي من اخطر معارك التاريخ البشري على الاطلاق. معركة غيرت جغرافيا الدنيا كلها. عايز اتكلم عن كتيبة بن مسلم رحمه الله هذا الحاكم العظيم. هذا وهذا القائد العسكري العظيم. عايز اتكلم عن قلب ارسنال - [00:13:49](#)

عايز اتكلم عن يوسف ابن تاشفين. عايز اتكلم عن محمد الفاتح. عايز اتكلم عن سليمان القانوني. عايز اتكلم عايز اتكلم عن ناس كثير. يعني من اين نبدأ؟ طبعاً يعني القائمة لا حصر لها. ولكن من اين نبدأ؟ ممكن نبدأ بابو عبيد الثقفي الى انه الشخصية جميلة. رحمه الله رضي الله عنه وارضاه من صفار الصحابة ابو عبيدة - [00:14:09](#)

يعني مش ابو بكر ولا عمر ولا ولا ولا قصته بدأت لما المثنى ابن حارثة الشيباني بدأ يناوش الفرس كده وبعد كده ابو بكر ادى له تسع تلاف جندي فبدأ يقاتل الفرس وينتصر عليهم. وبعد كده بدأوا الفرس بقى ايه الموضوع مش آآ الموضوع طلع مش هزار. يعني الموضوع طلع خطير - [00:14:29](#)

من لطف ربنا ان طول السيرة النبوية كان فيه حرب عالمية موجودة. حد عارف بين مين ومين؟ طول انتصارات النبي في المية وتلاتين غزوة وسرية لحد ما وحد الجزيرة العربية كان فيه حرب عالمية شغالة بين مين ومين؟ بين الفرس والروم اللي مذكورة في اول سورة الروم لولا الحرب دي - [00:14:49](#)

كانت سكتت على اللي حصل ولا الروم كانت سكتت على اللي حصل ده لطف الله. ان الفرصة هجموا على الروم خدوا مصر وخدوا الشام. وخدوا وخدوا الصليب بتاعهم اللي هم يعني بيعتقدوا ان ده اتصلب عليه المسيح ببسموه صليب الصلبوت وعملوا كانوا هيقتضوا على الامبراطورية الرومانية - [00:15:09](#)

كده اغراق لا قعد تسع سنين يعيد جيوشه تاني ويرتب نفسه وبعد كده اكتسح الفرس لدرجة خد منهم العراق هيقتضي على الامبراطورية الفارسية وبعد كده في الاخر الاتنين اتصالحوا بقى واياه خد يا عم هاردك وهات لي ارضي وارجع امبراطور زي ما انت

واحنا امبراطورية زي ما احنا - 00:15:29

عما خلصت الليلة كان ابو بكر الصديق كان النبي عليه الصلاة والسلام مات والجزيرة العربية اتوحدت وابو بكر الصديق قضى على حركة الردة فتخيل بقى اول ما بدأوا يفوقوا كان الاسلام خلاص بقى قوة عالمية وهزا من لطف الله. برضه من لطف الله ان كان في حروب رهيبة لان العالم زمان كان فيه ثلاث - 00:15:49

قوة عالمية جبارة. كان في الامبراطورية الرومانية والامبراطورية الفارسية والقوى العالمية الثالثة كانت ايه؟ الصين. الصين قوة طول عمرها قوة جبارة طبعا والصين. فالصين وفارس كاتبينهم حروب نارية. فلما المسلمين جم يحاربوا الامبراطورية الفارسية. مفروض الصين كانت ما تسكتش. ولكن لو - 00:16:09

كل هذه الحروب الصين ايه؟ الصين شف لطف ربنا. شف ربنا بيرتب للدين ازاى. انشغل انت بالدين وما لكش دعوة. انشغل انت بالدعوة وما لكش دعوة ربنا اللي هيرتب ربنا سبحانه وتعالى اللي هيرتب لهذه الدعوة خطواتها. ولكن انشغل انت بالله. والله سيشفل اهل الباطل. ببعض. المثنى بن حديسة الشيباني - 00:16:29

لقى الفرس جايين له جيوش جرارة. يا عم انا ما عيش غير تسع تلاف. طب انا اعمل ايه هاواجه دول ازاى اصلا! قام راجع بسرعة على آ عمر ابن الخطاب بقى رضى الله عنه وارضاه. عمر بن الخطاب كان بقى هو الخليفة في الوقت ده. فقال له انا ما عيش حد - 00:16:51

فاديني مدد. فعمر بقى اول يوم في الخلافة بتاعته وقف في المسجد اول ما رجع المثنى ابن حديسة بقى اول يوم في خلافة عمر رؤوف في المسجد وقعد يحث فعلى الجهاد في سبيل الله وعلى قتال بلاد الفرس وانه لازت. الناس مش قادرة تتخيل فرس. هنجارب الفرس ازاى؟ ما فيش ولا واحد تطوع - 00:17:07

الا واحد بس اسمه ابو عبيد الثقفي. واحد بس اللي تطوع. سيدنا عمر حزن جدا. فضل المسمى ابن حارثة وعمر ابن الخطاب ابن حارثة بن عمر بن الخطاب يحسوا الناس يحسوا ناس لحد في الاخر الف واحد طلعم. الف واحدة اللي رضوا. سيدنا عمر عين عليهم ابو عبيد الثقفي اشجع واحد. وقال - 00:17:27

والله لا اولي الا اول من تطوع لله. طلع ابو عبيد الثقفي امير على آ فتح بلاد فارس. وكان الشجاعة جبارة. حارب فارس في تأفة عشر تيام ثلاث معارك. ثلاث معارك. كانت المعركة الاولى اسمها وسمة الاسد - 00:17:47

الاسد ديت اول مرة يعني انت سمعت عن واحد استشهادي. انما عمرنا ما سمعنا عن جيش استشهادي. سيدنا ابو عبيد الثقفي راح يحارب الفرس لقي جيش جبار جاي له طب انا اعمل ايه في الجيش ده؟ عارفين اما تيجي واحد يقول لك تراكمني فانت تقوم يلا ها يلا بقى اما نشوف بقى ايه نضرب ازاى وتبدأ بقى - 00:18:07

شوية الحركات اللي انت شفتها في التلفزيون في يوم من الايام دي تفاجأ ان واحد بيقول لك يا عم ده محمد علي كلاي. مين يا عم ده بطل العالم في الملاكمة. فتكتشف - 00:18:27

ان ده ما ينفعش معه خطة. ده ده تعمل معه ايه بقى؟ عارف اللي هو داخل كده ده. اهو ده اللي عمله ابو عبيد الثقفي. الناس دي مش تافهة معها خطة. الناس دي بتحارب - 00:18:37

الافعال وبتحارب باسماء جبارة. خد الجيش ورمى نفسه فيهم. التانيين زهلوا عمرهم ما تعودوا على شجاعة بالمنزر ده وعلى اقدام بالمنزر ده. وعلى ناس بترمي نفسها على الموت بالمنزر ده. فهزم الفرس هزيمة ساحقة. ساحقة بعدها بتلات تيام حارب الفرس - 00:18:47

تاني وانتصر عليهم. بعدها باربع تيام حارب الفرس تالت وانتصر عليهم. لحد ما جه معركة اسمها معركة الجسر كان اول مرة بقى يطلعوا الافعال. والجيوب الخيول بتاعة المسلمين فرغت وجرت وكانت كارسة. يعني ما حدش كان متخيل ايه! يعني يعني ايه افعال تنزل المعركة المدرعات الثقيلة الحية ديت - 00:19:07

فسيدنا ابو عبيد الثقفي سأل الافعال دي بتقتل ازاى؟ قالوا له تقطع الخرطوم بتاعها. فهجم على اكبر فيل الفيل داس عليه. قتله.

فقتل شهيدا في سبيل الله راجل من رجالة المستحيل. راجل من الابطال. واحد مات وهو بيتخانق مع فيل. واحد مات وهو بيموت فيل. يعني - [00:19:27](#)

يعني مش يعني واحد خد جيش وعمله استشهادي كله كده. يلا في سبيل الله. يعني مات آآ ابو عبيدة في معركة الجسر طبعاً اتقتل فيها الاف من المسلمين. ولكن بعد ما ادى صورة جبارة عن من هؤلاء المسلمون ومن عظمة المسلمون - [00:19:47](#)

بعد كده جه سعد بن ابي وقاص كمل بقى وعمل ملحمة القادسية المذهلة بقى والعراق وايران دي كلها بقت دولة اسلامية. رجل من رجال المستحيل الرجل المستحيل. من رجال المستحيل في هذه الامة قتيبة ابن مسلم. قتيبة ابن مسلم ده من الشخصيات اللي يعني نادر - [00:20:07](#)

من يعرفها اللي اكتشفه الحجاج ابن يوسف الثقفي. اكتشف البطولة اللي فيه وعينه امير على خراسان. لما اتفتحت افغانستان وداه امير بقى في بلد من البلاد اللي هناك آآ قتيبة بن مسلم يعني كان يرغب في الفتح في ان هو يستأنف الفتوحات الاسلامية. هناك بقى الدنيا دي في الشرق دي عالم بقى - [00:20:27](#)

يعني انت كل ما بتدخل اصلاً ما فيش. تعرفوا ان قتيبة بن مسلم فضل يفتح في بلاد لحد ما فتح ثلاثة وتلاتين في المية من مساحة الصيف الصين احنا في يوم من الايام حاربنا الصين وانتصرنا عليها الصين اللي امريكا دلوقتي اصلاً ما تجرؤش انها تتكلم معها مش آآ الصين احنا انتصرنا - [00:20:47](#)

عليها! الصين دفعت لنا جزية في يوم من الايام! اللي اللي لما كتيبة ابن مسلم بعث لملك الصين قال له اني اقسمت ان اطأ ترابك بقدمي وان تدفع لي الخراب. قال للرسول قال له خز تراب من ارضي. رح بقى في المكان اللي فيه القائد بتاعك خليه يدوس عليه. وآآ - [00:21:07](#)

ومال خد كمية بقى من الايه من الاموال عشان يعني في يوم من الايام كانت الصين بتخاف مننا وفتح تسعين في المية من الاتحاد السوفيتي اربعين في المية من الاتحاد السوفيتي وتلاتة وتلاتين في المية من الصين. هذا القائد فتحهم. مين اللي يعرف هذا الرجل؟ رجل المستحيل ده. احد - [00:21:27](#)

اهل العلم كان مسافر الصين بيقول وهو في الطائرة فلقى مضيفة كده يعني مضيفة من من يعني من هذه البلاد مسك مصحف وبيقرا كده فالمضيفة يعني قاعدة تعامله معاملة مهولة. فهو مش فاهم في ايه. فقالت له انا مسلمة. يعني يعني قالت له كلام معناه - [00:21:47](#)

بتديني المصحف ده هدية! فاداه المصحف فكانت في غاية الفرحة وبدأت تفهمه يعني بلغتها ان امها مريضة وان هي اول ما هتنزل هتدي هذا المصحف هدية لامها والنية مسلمة. يقول ذلك العالم فزكرت قتيبة ابن مسلم رحمه الله. كل ده في ميزان حسناته. تركستان الشرقية دي كلها - [00:22:07](#)

لها في ميزان حسناتك اسمها في ايام ما هو فتحها. كانت في ميزان حسنات قتيبة ابن مسلم. جمهوريات الاتحاد السوفيتي الاسلامية دي اللي طلع البخاري ومسلم وابن ماجة والترمذي وابو داود والنسائي كل ده في ميزان حسنات هذا الرجل كل البلاد الجبارة العظيمة دي في - [00:22:27](#)

حسنات هذا الرجل يعني يعني رحمه الله. يعني واعاد على الامة بمثله ومن هو افضل منه يا رب قتيبة ابن مسلم رجل من رجال المستحيل طبعاً من رجال المستحيل خالد بن الوليد انا حقيقة مش عايز اتكلم عن خالد ابن الوليد قد ما انا عايز اتكلم عن معركة اليرموك او ملحمة اليرموك - [00:22:47](#)

لان هذه المعارك يا جماعة كلنا بنسمعها نهاوند واليرموك والقادسية والدنيا سهلة كده انت عارف زي ما بنتكلم كده حطين وعين جالوت انت تعرف ايه بقى جوة التفاصيل ديت انت عارف ربنا سبحانه وتعالى لما بيستنكر على اهل الضلال فيقول بل ادارة كعلمهم ايه؟ في الاخرة يعني مشكلة الناس دي ادرك علمهم اي لا يعرفون - [00:23:07](#)

الدار الاخرة معرفة تفصيلية. اه فيه جنة. الجنة دي فيها ايه بقى؟ مش عارف حاجة. مش عارف المقارن ما بين الجنة وما بين قصور

الامراء والملوك. مش عارف المقارنة ما بين الجنة - 00:23:27

وما بين الفنادق السبع نجوم مش عارف مش فاهم فيه ناراه انما النار دي حريقة يعني مش فاهم يعني ايه نار ولا مراحل خلق النار ولا تفاصيل النار. عارف ان في يوم القيامة ان انا مش فاهم اصلا ايه الجان الامتحان بتاعة يوم القيامة. عارف لجان الامتحان بتاعته اخر السنة ومش عارف لجان امتحان يوم القيامة - 00:23:37

الترتيبة بل الدارك علمهم في الآخرة من اسباب هلاك المسلمين برضو بل ادارك علمهم في التاريخ. ان هو مش عارف التاريخ. انا عارف آآ من اليرموك انما ايه اليرموك دي ؟ خالد ابن الوليد طبعاً بدأ الجهاد في سبيل الله وبدأ الاسلام بتاعه انه جاب كل املاكه ونظرها في الجهاد في سبيل الله. يعني اول طلعة بتاعته كده - 00:23:57

ان كل اللي قبلكم بقت ايه؟ وقف للجهاد في سبيل الله. بعد كده لما النبي عليه الصلاة والسلام بعته عسكري في مؤتة تحت القيادات بتاعة الجيش. لما كل اتقتلت وعمل خطة الانسحاب الرهيبة. لما غير الميمنة ميسرة والميسرة ميمنة. والقلب مؤخرة والمؤخرة قلب وعمل فرقة من - 00:24:17

تقعد تسير التراب بحيس ان الروم يفتكروا ان جه مدد وعمل خطة الانسحاب الرهيبة اللي ربنا نجى بها المسلمين من القتل المحقق قدام متين الف من الروم المسلمين طالعين تلت تلاف. انت عارف يعني ايه كان لسة بقى يعني ايه الروم يعني؟ يلا نطلع. فدرعت اكتشفت ان الروم دول لما بيطلعوا لك متين - 00:24:37

الف كده ايه ده حاجة عادية يعني. يعني الموضوع بالنسبة لهم بسيط يعني انه يحشد لك متين الف من غير ما يعمل تعبئة عامة في الامة بتاعته ولا حاجة. فيعني بعد كده سيدنا - 00:24:57

خالد ابن الوليد بعد موت النبي عليه الصلاة والسلام سيدنا ابو بكر الصديق آآ كان بيحارب في حوالي مية وخمسة جبهة. ما فيش دولة في تاريخ البشرية كانت حارب في مية وخمسة جابها في نفس الوقت. لم يحبس في تاريخ البشرية يا اخوانا. التاريخ الاسلامي ده معجزات. ما فيش دولة كانت بتحارب الامبراطورية الرومانية. والامبراطورية - 00:25:07

وبتحارب نصارى الشمال. وبتحارب ما فيش دولة في التاريخ كانت بتحارب كل الجبهات في وقت واحد. المسلمين كان عندهم روح مع جبارة ايدهم بروح منه. ناس مؤمنة بالله متوكلة على الله. سبحانه وتعالى. فيعني دي من معجزات الاسلام ومن مآثر اه -

00:25:27

الاسلام الرهيبة سيدنا خالد ابن الوليد سيدنا ابو بكر الصديق خلاه بقى يقاتل في الايه؟ في جبهات كتير لحد ما كانت المعركة الاساسية معركة اليمامة مع مسيلمة الكذاب سابوا كان قائدها خالد ابن الوليد انتصر على مسيلمة الكذاب. ما تروحش بيتك. ابو بكر الصديق شاف سيف من سيوف الله مسلول على اهل الباطل. على العراق - 00:25:47

يلا اطلع بقى كمل على العراق. اطلع بقى فتح بلاد فارس. فارسله من اجل فتح بلاد فارس. بدأ خالد ابن الوليد يبلى بلاء عظيم. في صار على اهل فارس في اللحظة دي بدأ يفتح الجبهة في قتال الرومان وبدأ يبقى في احتياج رهيب لمدد اسلامي في - 00:26:09

الرومان يعني سيدنا ابو بكر بعث اربع جيوش لقتال الروم في الشام كل جيش منهم تمتلأف اتنين وتلاتين الف واحد. فيعني الروم بقى فوجئوا ان الروم بالثمانين الف وبالميت الف وبالميتين الف فأرسل لخالد ابن الوليد اطلع فورا من العراق على الشام للانضمام لقتال الروم والتسل - 00:26:29

القيادة في حرب الشام. خالد بن الوليد كان قدامه طريقين. طريق مدته تلاتين يوم. من العراق للشام لهذه المنطقة. تلاتين يوم. ولكن الامر هنا التاييمز ماني الوقت هنا وقت حرج. كان فيه طريق ثاني الرحلة دي من الرحلات التاريخية. بيسموها رحلة وادي الشام آآ

رحلة بادية الشام التاريخية - 00:26:49

الرحلة اللي عملها خالد ابن الوليد ده ايه ؟ ولكن كان فيه طريق ثاني صحراوي فيه مسافة خمس تيام ما فيش فيها ولا نبع مية الطريق ده مدته خمستاشر يوم على بعضه في خمس تيام ما فيش رابع مائة. سيدنا خالد بن الوليد جاب المرشد بقى في الطريق قال

له الطريقين قال له - 00:27:09

الطريق الاقصر زمنيا مهما كان سيدنا خالد ابن الوليد جاب الابل عطشها جدا جدا وبعد كده شربها كميات مائة رهبة وبعد كده قفل بقها عشان ما فيش اي حتى بخار مية يطلع ولا حاجة. وانطلق في هذه الصحراء الرهبة. ويعني بعد خمس تيام يعني -

[00:27:27](#)

للراجل ابن البئر؟ قال له من ثلاثين سنة انا اعرف ان كان فيه نمبر يعني ثلاثين سنة مين يا عم حد عارفه دلوقتي من ثلاثين سنة ايه ؟ يعني واخذ الجيش - [00:27:47](#)

يستغفيس بالله ويتوسل الى الله. بعد فترة لقوا البير اللي كان من ثلاثين سنة ربنا لسه حافزه عشان المسلمين. عشان الجيش الاسلامي اللي هيوعي عشان الجيش اللي هييجي في يوم من الايام ينصر دين ربنا سبحانه وتعالى. الله يرتب لمن ينصر دينه. خالد بن الوليد وصل الشام وبدأ الاستعداد - [00:27:57](#)

في آ قتال الروم طبعاً معركة اجنادين سخنوا في فيها في الاول كده حاجة بسيطة كده قدام تمانين الف واحد من الروم. وبدأ آ دمشق تفتح وبدأت الشمس تفتح وفلسطين تفتح. طبعاً الامبراطور الروماني قعد فانتقيا. انطقيا دي كانت تبع روسيا زي سوريا زمان. ودلوقتي تبع تركيا - [00:28:17](#)

فؤاد فانتقيا. فالراجل خلاص البلد بتاعته بتقع. فهو كانت خطته ايه؟ لقي ابو بكر الصديق بعت اربع جيوش. كل جيش متمتلاف. قال بس انا هاحشد جيوش الروم وقسمها خمس جيوش ومش هاخلي المسلمين كلهم يبقوا ايد واحدة. انا هاسيب الجيوش بتاعتهم -

[00:28:37](#)

متفرقة وكل جيش ابعت له جيش عشر اضعافه. بحيس ان هو ايه يفرق المسلمين. فبدأ يحشد عمل آ قانون التجنيد الاجباري في الامبراطورية الرومانية كلها. طبعاً ده المؤرخين بيقلوا فاتى جيش واطت جموع لا تستطيع الارض ان تحملها - [00:28:57](#) اه يعني المؤرخين بيقدروا العدد بميتين واربعين الف. وفيه ناس وصلتها لربعمية الف. يعني قرب النص مليون. من ربع مليون ونص مليون. فجاءت جموع لا تستطيع الارض ان تجنيد اجباري لكل واحد بلغ في الامبراطورية. الرومانية وجه معهم الالف القساوسة بقى. والجيش بعض الصحابة بيوصفوا اليرموك دي. شارك فيها الف صحابي - [00:29:17](#)

وميت واحد ممن شهدوا بدر رضي الله عنه وارضاهم. فبيقولوا منزر الجيش وهزيم الرعد بتاع الاصوات بتاعتهم هم جايين يرتلوا الانجيل منزر رهيب والصلبان كلها بقى في الجيش بعد كده امبراطور الروم عايز يضمن الغساسنة قالوا له لازم نقاتل معك. غسسنا دول زي ما اتكلمنا في - [00:29:37](#)

غزوة تبوك كانوا بيحكموا خمس دول في شمال الجزيرة العربية. لأ فنصارى العرب اضافوا له. جورجيا قالت له انقاتل معك. الروس قالوا له نقاتل معك. الدنيا كلها بقى كل النصارى في الارض بدأوا ينتهبوا ان فيه خطر رهيب. امبراطورة الرومانية دي لو وقعت خلاص بالنسبة لهم المسيحية يعني يعني جورجيا جت الارمنجوب - [00:29:57](#)

غسسنا جم. اوروبا جت العالم كله بقى بيقاتل مع الامبراطورية. الرومانية بدأ الجنود عايزين يعني يقاتلوا يا مقتول. طب نعمل ايه فالجنود قالوا نربط بعض بالسلاسل. كل عشرة في سلسلة عشان لو جت تعدي خيول من بينا نوقع الخيول. وفي نفس الوقت ما فيش حد يجري. احنا - [00:30:17](#)

يا قاتل يا مقتول النهاردة. طبعاً سلاسل واسعة جدا في مدى الحركة يعني مش حاجات مكتفين بعض بها. فربطوا بعض بالسلاسل كل عشرة في سلسلة عشان ما فيش تراجع ولا استسلام. يا قاتل يا مقتول. وكان العدد رهيب دا هو من هذا التحالف العالمي ضد الاسلام في هذه الحرب الراهنة - [00:30:37](#)

آ وهذا العدد رهيب آ اتقسم لخمس جيوش جيش امر عليه جبلة من الايهم اللي هو زعيم آ متنصرة العرب. ده هو امير الجيش وجيش زعيم الارمن بامير علي. وجيش زعيم الروس او امير الروس بقى امير عليه. وجيشين من الخمسة بتوع الامبراطورية الرومانية. امراء اوروبا - [00:30:57](#)

عليه. الخمس جيوش هيحاربوا المسلمين. وكان خطة رجل ان الخمس جيوش هيتوزعوا على الايه؟ على الجيوش الاسلامية وان

الجيش الاسلامي ما بتوحدش. طبعا التسليح والعربات والمنجونيكات تسليح الامبراطورية الرومانية اقوى دولة مسلحة في العالم.

00:31:17 اقوى جيش في العالم في هذا الوطن -

اقوى امبراطورية في العالم القوى العظمى الاولى في العالم. تسليح رهيب في هذا الوقت وطبعا خالد ابن الوليد عمل مجلس حرب مع ابو بيضة ابن الجراح عمرو بن العاص وقادة الجيش نعمل ايه؟ فكان الرأي ان ما فيش حاجة نقدر نعملها. الحاجة اللي نعملها ان

00:31:37 الجيش دي كلها تيجي. ما فيش حاجة اسمها نقاتل -

الناس دي كذا جيش. كل جيوش الشام وكل جيوش فلسطين تيجي تضم مع بعض. وكلنا نرجع عند نهر اليرموك. نرجع في مكان واحد. وكل البلاد دي اللي خدنا منها الجزية نرجع لها الجزية. لان احنا ما نقدرش نحمي حد دلوقتي. ولا نقدر نصد عدوان على حد

00:31:57 دلوقتي. ورجعوا وتكتل. طبعا ده كان عكس -

رغبة امبراطور الروم اللي كان يريد ان يقاتل المسلمين ايه؟ متفرقين مش متوحدين. وتكون جيش واحد قوامه ستة ثلاثين الف

00:32:17 مسلم قصاد متين واربعين واحد. متين واربعين الف واحد من الرومان بالتقديرات الايه؟ التقريبية لدول ولدول -

في يعني يعني جاء الرومان وكان طبعا الروم انتشروا بالعرض كده تلتاشر كيلو متر. فالمسلمين عشان ينتشروا بالعرض زيهم. العمق هيبقى قليل قوي بتاعهم انتشروا اتاشر كيلو متر برضه بالعرض كده بايه يبقى جيش قصاد جيش وتأتي اللحظة الحاسمة او لحزة

00:32:37 الصفر وتأتي لحزة -

بداية المعركة الحمد لله وكفى وصلاة وسلاما على عباده الذين اصطفى. اما بعد رجل المستحيل الثالث في هذه في هذا الدرس بعد

قتيبة بن مسلم وبعد ابو عبيد الثقفي خالد بن الوليد رضي الله عنه وارضاه. ملك الروم قبل معركة اليرموك لان دي كانت معركة

00:32:57 فاصلة خلاص -

يعني اللي عمله سيدنا خالد بجمع الجيوش دي قصاد دي بين ان المعركة دي هتبقى حاسمة ما بين الروم وما بين المسلمين زي

القادسية كده ما بين الفرس وما بين المسلمين فعمل حركة اول مرة تحصل في الطريق في التاريخ. عمل مصالحة بينه وبين يا ازدي

00:33:17 جارد ملك الفرس. متخيل -

اللي بقى لهم سنين قاعدين يقطعوا في بعض وعمل مصالحة بينه وبين ملك الفرس. واتفق معه ان في نفس اللحظة اللي هيهجم هو

على جيش المسلمين في الشام بيهجم على جيش المسلمين في العراق. واللاتين يتعاونوا في التخلص من المسلمين. بعدها بتلات

00:33:37 شهور طبعا كانت القادسية -

آآ يعني الفرس هو اللي اتقضى عليهم. بنصر الله سبحانه وتعالى. يعني العالم كله ممكن يتفق عليك. ولكن القصة ربنا معك ولا مش

معك؟ القصة ربنا سبحانه وتعالى فوق الجميع واعلم للجميع واقدر من الجميع. ربنا متوليك ولا لأ؟ هي دي القصة. انت تستحق ولاية

00:33:57 الله ولا لأ؟ والعصر ان الانسان لفي -

قصر الا الذين امنوا وعملوا الصالحات ده الدين. وتواصوا بالحق وتواصوا بالصبر. ده جهد الدين. فانت عندك دين وجهد دين ولا لا؟

فبدأ يعني يلوح ان المعركة دي هتبقى معركة فاصلة ما بين الامبراطورية الرومانية اللي حشدت كل قوتها وطاقتها وتعبتها المعنوية

00:34:17 -

القوية والمادية وآآ ما بين المسلمين. ويعني من عند آآ نهر اليرموك في الاردن. بدأت هذه المعركة. المعركة استمرت ست ايام. ست

00:34:37 ايام. اليوم الاولاني الروم هم اللي هجموا. الروم عدد رهيب بقى وبيعتمدوا على انه ايه؟ يرجع المسلمين لورا -

انهم يهربوا. خلوهم يتقهقروا. فبدأ يهجم والمسلمين قاعدين يصدوا يصدوا يصدوا. اليوم الاول عدى. والمسلمين بالعافية عرفوا

00:34:57 يصدوا الهجوم اليوم الثاني اليوم الثاني ده كان بيسموه يوم فقد العيون. يوم فقد العيون. سلاح النبل بتاع الرومان -

وده يمكن اخطر يوم في المعركة كلها سلاح النبل بتاع الرومان قدر يعمل قدر يقذف المسلمين وفي كثير جدا اطعموا في اليوم

ده من الجيش الاسلامي منهم ام سفيان سيدنا ابو سفيان ابن حرب اتعمى في ذلك اليوم وناس كثير جدا يعني اطعموا من قادة

00:35:17 الجيش ومن الناس الكبار في الجيش اطعموا في ذلك اليوم -

واتعمل سفرة وسط المسلمين وعارفين لما عكيرة ابن ابي جهل عمل فرقة الموت وربعية واحد بايعوه على الموت لولا هذه الحركة يعني كانت انقاز لان الجيش المسلم كان بقى بدأ يتقهقر بالزات من ناحية عمرو بن العاص واشرح به لابن حسنى كده. بعد شوية ولكن سيدنا خالد رفض - [00:35:37](#)

في سيدنا خالد عمل نفس الخطة بتاعة ابو عبيد الثقفي في وثمة الاسد في اول معركة بينه وبين اللي هي معركة النمارت اول معركة بينه وبين الفرس اللي هو انا مش قادر عليكم. وما فيش خطة هاعرف انتصر عليكم بها. انتم متفوقين علينا في كل حاجة - [00:35:57](#)

حلي الوحيد ان انا ادخل عليكم كداهو. يعني ادخل عليكم كداهو. طبعا مش كدا بالمنزر الحل الوحيد ان الجيش يعمل عملية استشهادية. يعني ايه الجيش كله يهجم. ان الخطة تتقلب من دفاع الهجوم. طب انت ما عندكش امكانية لهذا الامر. الجيش كله يهجم وليكن ما يكون. تحويل - [00:36:17](#)

الخطة تماما طبعا دي كانت مفاجأة مباغطة للروم سيدنا خالد ابن الوليد خلى خمسميت واحد يستنوا كمان عند مضيق كده ومعبر لو الروم هربم من عند نهر اليرموك له. فدل حاجة كده مش موجودة في المعركة اصلا. ولكن عند مضيق معين عند نهر اليرموك. وهجم سيدنا خالد السلاح - [00:36:37](#)

على سلاح الفرسان بس بتاع الروم. وباقي الجيش بالمحاور الاربعة بتاعته هجمت على الجيوش بتاعة الروم او محاور الجيش الروماني انقلبت الهزيمة الى نصر. وكان نصر رهيب. وحصل اسوأ حاجة اي جيش في الدنيا لا يتمنى - [00:36:57](#) تحصل فيه فقد الاتصال ما بين الجيوش الرومانية وبعض وما بين القيادة وما بين الجيوش. وتخلوا بقى في موضوع السلاسل ده وطريقة الهروب في الجو ده واللي يفهم مقاتل اليرموك كانت فين كانت في مكان تضارسيا اصلا خطر شوية وجبال وسهول ما بينها فالمكان تدارسيا اصلا صعب طبعا الجيش - [00:37:17](#)

الجيش الروماني جاي يهرب يلاقي خمسمية واحد مستنيينه من الناحية دي. وخالد ابن الوليد على سلاح الفرسان من الناحية دي. والجيش الاسلامي فكانت مقتلة مرعب هبة في الامبراطورية الرومانية والامبراطور الروماني هرب. طبعا خد الصليب بتاعهم بسرعة حد هربه له من القدس. هو عامل حسابه يعني. وهرب على طول - [00:37:37](#)

الانتكيا اللي كانت عاصمة الامبراطورية الرومانية في العالم هرب للقسطنطينية اللي فضلت تمنمية وخمسين سنة حداثر خليفة يحاولوا يفتحوها اهو ما حدش عارف يفتحها القسطنطينية احسن مدينة في العالم. عاصمة الكرة الارضية. اللي نابليون بونابرت كان مرشحها انها تبقى عاصمة الكرة الارضية. فضل - [00:37:57](#)

عاصمة الامبراطورية الرومانية لحد ما جه محمد الفاتح وربنا فتحها على ايديه بمعجزة من عند الله سبحانه وتعالى. وهرب هرقل خد نسائه وخذ فلوس وساب الدنيا وايه وهرب ونقل العاصمة في القسطنطينية. لحد ما ربنا قيد له اللي ايه؟ اللي انهى وجوده كمان من اسيا - [00:38:17](#)

من آسيا الصغرى وآآ يعني نصر الله المسلمين. المعركة دي المؤرخين الغرب بيقلولوا انها من اعظم معارك التاريخ البشري كله. وان المعركة دي زيارة جغرافيا المنطقة تماما. وان لو لم يكن المسلمين انتصروا في المعركة دي لم يكن احد يتوقع المنطقة دلوقتي كان شكلها ايه؟ او جغرافيتها - [00:38:37](#)

ايه؟ خالد بن الوليد رضي الله عنه وارضاه. خادم ابن الوليد اصلا اول ما عمرو ابن الخطاب مسك عزله من القيادة. وحوله جندي تحت ابو عبيدة من الجراح ابو حميدة ابن الجراح هو اللي تنازل له عن الامارة في معركة اليرموك. هو اللي تنازل له وخذ ابن الوليد قال انما افتح الشام لله لا افتحها لعمر - [00:38:57](#)

وكان نموذج جبار لرجل من رجال هذه الامة وعظيم من عظماء هذه الامة. اخواني واحبابي في الله التاريخ مليون مليون يعني عظماء هذه الامة وعظماء هذا التاريخ آآ وعظماء الامة الاسلامية لا عدد لهم - [00:39:16](#) يعني النهادة يعني هدفي ايه؟ انا طبعا عايز اتكلم عن قلب ارسلان وعايز اتكلم عن يوسف ابن تاشفين. وعايز اتكلم عن ناس كتير

قوي قوي يعني. يعني فيه قادة كثير جدا - 00:39:36

في تاريخ الامة انا عايز اتكلم عنهم. ولكن الرسالة اللي انا عايز اوصلها يا جماعة ان انت فعلا من مشاكلك الاساسية في حياتك انك ما انتش عارف التاريخ. انك انت مش عارف تاريخ - 00:39:46

انت مش عارف تاريخك عظيم قد ايه. وانك اعظم تاريخ على وجه الارض كلها. اعظم انجازات اعظم قادة اعظم حكام. اعظم تضحيات اعظم اخلاق اعظم تسامح اعظم حضارة. اعظم ربط ما بين الدين والدنيا. اعظم توازن ما بين العبادة والمعاملات والاخلاق. اعظم - 00:39:56

تضحيات اعظم قوة اقتصادية وحضارية وعلمية ونهضوية. فعلا كنتم خير امة اخرجت للناس. يعني ولا تهنوا ولا تحزنوا وانتم اللي على الاول. يعني انت تاريخك اعظم لو جبنا عشر معارك من عندهم. قصاد معركة من عشر معارك من عندنا. قصاد معركة من عندهم برضك - 00:40:16

خلصوا اللي عندهم ولن ينضب ما عندنا كما قال الله عز وجل في القرآن في اية عظيمة خدناها في دورة سورة التوبة لقد نصركم الله فيه نصركم الله في مواطن كثيرة. كثير اوي ربنا نصرنا كثير اوي في التاريخ. لازم نفكر هذه الانتصارات في هذه الفترة اللي مليانة - 00:40:36

دم ومليانة بغاز ومليانة مزبحة نيوزلندا ومليانة قتل في الفلسطينيين ومليانة اعتداء على المسجد الاقصى ومليانة حصار لاهل غزة ومليانة اعتداء على اهلنا في سوريا ونساء واطفال. ومليانة محبطات كثير. ومليانة ازمات كثير اوي بتتعرض لها الامة. عايزين نفكر التاريخ بتاعنا في هذه - 00:40:56

الفترة عشان كده يا اخواني واحبابي في الله يعني ان شاء الله بعد استخارة الله سبحانه وتعالى يعني اه هنعمل مسابقة. المسابقة دي هتتعلن على الصفحة. الصفحة الرسمية بتاعتنا على الفيسبوك. ان شاء الله بازن الله وهتبقى في المسجد وفي الصفحة زي مسابقة دورة التوبة - 00:41:16

ربنا يبارك في ما شاء الله العدد الكبير اللي دخل في دورة سورة التوبة الواحد ما كانش متوقع ما شاء الله يعني. ان بفضل ومنة الله يعني يعني اما كنت اعرف - 00:41:31

ان خمس تلاف وداخلين المسابقة والواحد مش متوقع يعني ان ايه يعني كم هيدخل من دول مسلا مية مسلا لا فضل ومنة الله العدد اللي دخل عدد كبير. اللهم وبارك اللهم بارك. وربنا يجزي كل خير كل اللي شاركوا في المسابقة دي. بالتعليم بتعليمهم التجويد بتحفيظ الناس. بعمل خرايط زهنية للصورة - 00:41:41

بتلخيص بتفريغات الدروس بتلخيص التفريغات بعمل مذكرة مختصرة بكل اللي شارك في هذه المسابقة في تعليم يعني ما شاء الله وكتاب الله الاف اللي دخلوا في هذه المسابقة واشتركوا في المضمار بتاعها. يعني نسأل الله سبحانه وتعالى ان يجزيهم كل خير. واللي دخلوا المسابقة. ربنا يبارك لهم في علمهم. المسابقات دي - 00:42:01

تبقى فرصة للتسقيف. فرصة لنقلة. فالوقت احنا هنعمل مسابقة ان شاء الله بازن الله يا جماعة هيبقى عنوانها اعرف تاريخك. اعرف تاريخك برضه هتبقى الجوازة جميلة ما شاء الله يعني الجائزة الاولى مفروض يعني خمس تلاف الجائزة الثانية ثلاثة الجائزة يعني ان شاء الله بازن الله الجوايز ايه والناس اللي هتكسب هيتحط اسمهم في لوحة شرف على - 00:42:21

الصفحة كده لمدة اسبوع او الناس حتى اللي هتجيب اجابات متميزة. هدف المسابقة انك انت تعرف تاريخك. انك انت تعرف قد ايه تاريخك عظيم. انت عندك ثلاث حاجات جبارة في التاريخ بتاعك. معارك مذهلة. يعني انا ممكن - 00:42:41

لكم الوقت امتحان اقول لك كلمني كده عن معركة مسلا ميريو كيفلون مسلا. معركة جبارة. يعني قطمت زهر الامبراطورية البيزنطية. كانت من مين ومين اللي عملها وامتى طب اجي اكلمك عن ملاذ كارد مسلا هذه المعركة الخطيرة مين اللي عملها وكانت امتى طب معركة الزلاقة - 00:42:57

طيب معركة آآ كاهنة كاهنة كاهنة الجبل. يعني يعني اسماء معارك كده ممكن تحس انك انت مستغربها شوية ولكن اسمائهم ما سمعنا

بك من كبر. ما هو يعني لقد نصركم الله فيما اوطن كثيرا. فهدف المسابقة انك انت نفسك تكتشف ايه اعظم معاني - [00:43:17](#)
حولت مجرى التاريخ. على فكرة يا جماعة فيه معارك ما حدش يعرف عنها حاجة. معركة معاكس دي اللي كانت بين سليمان القانوني
والتحالف الاوروبي. تحالف الاوروبي تحت قيادة مملكة المجر اللي ابيد فيها الجيش الاوروبي تماما تماما. يعني اللي الراجل كان كاتب
اسمها على الرشاش بتاعه في مزبحة نيوزلندا. يعني حاجة - [00:43:37](#)

معزباهم نفسيا. معزباهم نفسيا انت لا تتخيل اصلا الفتوحات الاسلامية عملت فيهم ايه؟ لدرجة ان بعض ذكر يعني وان كان كلامه
يعني ايه محتاج توفيق الا ان البعض ذكر ان الكرواسون نفسه اللي هو بتاع فرنسا ده عملوه ايام العثمانيين بقى والحروب مع اوروبا
والكلام ده على شكل الهلال على - [00:43:57](#)

بياكل الهلال يبقى ايه؟ يعني هنقضي على الاسلام يعني. او يعني سننتصر على من رمزهم الهلال يعني. معلومة مكتوبة يعني طبعا
محتاجة الى توفيق انما آآ عندك معارك عظيمة غيرت التاريخ عندك قادة عسكريين عظماء. غيروا التاريخ. قادة كتير جدا جدا هذه
الامة ولادة - [00:44:17](#)

مدرسة القرآن ولادة. عندك حكام كتير. حكام فقد الثقة في حكام الامة دي مصيبة. انك انت ما انتاش لاقى حد يبقى قائد مين؟ عمر
ابن عبدالعزيز. ما فيش غير عمر ابن عبدالعزيز! اه والخلفاء الراشدين. بس كده؟ يعني التاريخ ده كله والدول دي كلها هو صلاح الدين
- [00:44:37](#)

ممکن مسلا يعني قطز ماشي يعني حتى بيبرس لأ طب يعني والعباسيين ما فيش ما فيش حاجة خالص
والدولة الطولونية والاشيدية والموحدين والمرابطين ودول الاندلس والعثمانيين والسلاجقة والمغول المسلمين - [00:44:57](#)
ودول الهند اخوانا في كمية حكام فوق الخيال فوق الخيال. فقلنا نجمع دول في حاجة واحدة فكرة القادة. المسابقة هتبقى انك انت
ترشح اعزم عشرة قادة في تاريخ الاسلام. غيروا الاحداس. طبعا ترشيحك - [00:45:17](#)

هو ده الرؤية. يعني ما انت ممكن تقوم كاتب لي هو طبعا من بعد عهد الصحابة عشان ما لانك انت العشرة يخلصوا اصلا في عهد
الصحابة يعني. هتجيب الاربعة وهتجيب كمان سبعة تمانية من القادة العسكريين سعد ابن ابي وقاص وعبيدة ابن الجراح وخالد ابن
الوليد ما خلاص غير كده المسابقة خلصت. بعد عهد الصحابة. لان كل - [00:45:37](#)

مرتبط بقدسية عهد الصحابي. طب من بعد عهد الصحابة؟ هات لي اكثر عشرة قداسة سواء قادة عسكريين في معارك او قادة حكموا
دول اسلامية وتجب لي تأثيراتهم آآ مولدهم نشأتهم ايه انجازاتهم؟ ايه انتصاراتهم؟ آآ ايه اللي رشحته ليه؟ يعني اشمعنى ده
رشحته - [00:45:57](#)

اذا هنا على رؤيتك في الترشيح. انت يعني يعني طبعا لو لو بندي جوايز كان السفاح النيوزلندي ده الجائزة. ان هو طلع لك معركة.
مؤاجز مين يا عم! انت انت بتهزرا! ولا انت في واحد كان بيقول انا كنت باحسبه يعني بيألف بيهلوس يعني اي - [00:46:17](#)
فبيقول لك لما جيت ادور لقيتها كارسة بيسموها اسرع معركة في التاريخ. اسرع هزيمة في التاريخ. جيش اتبات بالكامل بالكامل
يعني يعني آآ اعظم عشرة قادة سواء عسكريين او قادة حكام آآ على مدى التاريخ الاسلامي - [00:46:37](#)

كان لهم انجازات تقول انجازاتهم مش عايزين كل واحد يزيد عن خمس صفحات. يعني العشرة على بعض ما يزودوش عن خمسين
صفحة. صفحتين ثلاثة اربعة اخرك خمس صفحات تكتب مين ده؟ طبعا انت عشان تنجح في المسابقة دي. ان شاء الله بازن الله طبعا
هيتعمل جروب زي الجروب بتاع مسابقة التفسير. وهيبقى فيه ناس متخصصة في التاريخ هتدخل - [00:46:57](#)

ترشد الناس لان المسابقة هدفها اساسا تثقيف في التاريخ. هي مش هدفها انك انت تعمل بحس على قد ما تعرف ايه تاريخنا. اعرف
تاريخك اعرف تاريخك واعرف الجريمة البشعة اللي تمت والاجرام اللي تم بتزييف التاريخ الاسلامي وتتويه المسلمين عن -

[00:47:17](#)

التاريخ الاسلامي وتنسية المسلمين للتاريخ الاسلامي. رؤيتك ايه بقى؟ ده اعظم ولا ده اعظم؟ اشمعنى اخترت ده زي مايكل هارت
كده في كنا او اعظمهم محمد. لما كان كل واحد يقول لك انا حظيته ليه؟ يعني انا اشمعنى حظيت سيدنا محمد قبل المسيح نفسه

رغم ان هو مسيحي. قال لك انا حظيته ليه؟ قال لك - 00:47:37

اي حد عمل اي حاجة في التاريخ كان يتخيل ان اللي هيجي بعده هيعملها لو ما كانش عملها. قال لك انما اللي عمله محمد ابن عبدالله ده يمكن حد كان يعمل. مستحيل اللي - 00:47:57

احد الغنم بتوع الجزائر العربية واقام حضارة واقام نهضة من شوية ناس همج بتوع رايات حمر وعبادة آآ حجارة ويعمل صنم بالليل وياكلوا الصبح لما يصحى الصبح ما يلاقيش فطار. طلع من دول الحضارة دي. والامبراطوريات دي ده ما فيش حد في التاريخ -

00:48:07

البشري كله عمله اللي عمله. محمد تكتشف تاريخك. تعرف ان عندك تاريخ عقد عامل زي واسطة العقد كده. هذا تاريخنا. فين تاريخنا تاريخنا لا يتكرر. ورموزنا لا تتكرر. ولا في وجه مقارنة اصلا ما بين اي تاريخ على وجه الارض. والتاريخ الجليل العظيم - 00:48:27

الرهيب بتاعنا كنتم خير امة. اكتشف بقى هتقرا في الشخصيات. هتبس على النت عن اعظم شخصيات تاريخ الاسلام. اعظم شخصيات عسكرية. اعظم حكام. انت تقدر تدور بقى تبدأ بقى تدور يعني ايه الدولة الاموية دي؟ طب مين اعزم حد فيها؟ طب العباسيين مين اعظم؟ عثمانيين ايه القصة؟ انتم عارفين لما عملوا قيمة ارطغرل؟ مين - 00:48:47

الشغل ده هي اسمها الدولة العثمانية ما ده ابوه. عثمان ده ابنه. يا راجل! يعني هو كان في حد الجزور بقى يعني تدور على قد ما تقدر؟ طبعا ببساطة يعني احنا مش عايزين بقى ايه يعني يعني انك انت مش هتكتشف يعني الاسرار الخفية ما هي طبعا الشخصيات العزيمة متحدثس عنها - 00:49:07

على وجه الغالب يعني ولكن انت اللي بتفاجئ ان فيه معلومات كتير ما تعرفهاش. اول ما هتيجي تدور هتلاقي الدنيا سهلة والمعلومات كتير بس انت دور. بس انت اقرا. احنا - 00:49:27

جوايز كبيرة ان شاء الله خمس تلاف ثلاث تلاف الفين الف. بازن الله سبحانه وتعالى دي الخمس جوايز الاولى. مسألة رحة الشرف على الصفحة لمدة اسبوع للناس اللي هتقدم ابحاس متميزة حتى لو ما خدوش من الخمسة الاوائل. بازن الله سبحانه وتعالى غير ان الجائزة الكبيرة انك بدأت تعرف تاريخك. وبدأت تعرف العظمة بتاعة تاريخك. مسابقة اعرف - 00:49:37

تاريخك آآ لا ننساها ابد يا اخواني في الله. اخونا الحبيب طبعا آآ خلاص ان شاء الله انا عايز كل اللي في المسجد اخوة واخوات يدخلوا المسابقة دي دور يا شيخ هو راجع مين؟ ده في لا احدد لك ازاي؟ ده دور ده عالم. احدد لك ليه - 00:49:57

انت يعني يعني دور ثم احنا مش عاملين مسابقة يعني الجائزة بالمنظر ده عشان في الاخر اقول لك كتاب وخلص. دور الموضوع بسيط ولكن دور انا مش عايز ولا واحد قاعد ما يدخلش المسابقة دي. ابن نفسك دعويا. المسابقات دي ممكن تبنيك دعويا. ممكن

تبنيك دعويا. ممكن تديك مادة يعني انا اقوى - 00:50:17

وحاجة يعني في ايام ضرب حلب كان سبحان الله العظيم يعني كتاب قرأته عن آآ يعني يعني تاريخ حلبه كده اداني مادة جبارة. ايام آآ المسجد الاقصى في الازمة اللي فاتت. كتاب عن الحروب الصليبية قرأته اداني مادة جبارة. الفترة ديت انا باقرأ بقى في الفتوحات

الاسلامية وباقرأ في التاريخ الاسلامي. يا اخوانا التاريخ - 00:50:37

ده الكتاب هو القرآن هو اعظم كتاب تاريخ. بيدلك على التاريخ لان اللي مش عارف التاريخ مش عارف اي حاجة في الواقع. ولا عارف اي حاجة في المستقبل. تاريخ والعقيدة المسابقة دي ما تنسوهاش وان شاء الله بازن الله يعني في خلال يوم يومين كده ان شاء الله هتلاقوا الاعلان بتاعها بالتفصيل على الصفحة الرسمية ولكن ابدأ انت بقى - 00:50:57

لانه هيبقى مدتها شهر. فانتوا اقتنصوا الفرصة وابدأوا من الليلة. طبعا آآ يعني قبل ما اقول الحاجة اللي بعدها اخونا الحبيب الفاضل اللي دايم بيقتد قدامي يعني. آآ هو والدته توفيت في السعودية الله يرحمها وادفنت هناك في الحرم. آآ من ايام فاسأل الله ان يغفر

لها ويرحمها قولوا امين. اسأل الله ان يغفر لها ويرحمها وان يلحقها - 00:51:17

رفيقي الاعلى وان يجعلها من اهل الفردوس الاعلى. واسأل الله ان يرزقنا حسن الخاتمة. اللهم امين اللهم امين - 00:51:37